



Cuira, ils 19 da december 2023

Communicaziun a las medias

## 8avla sairada grischuna rumantscha en Chasa federala

Gruppa parlamentara «lingua e cultura rumantscha»

La gruppa parlamentara «lingua e cultura rumantscha» e la Lia Rumantscha envidan a la 8avla sairada grischuna rumantscha ils 20 da december 2023 en Chasa federala a Berna. La gruppa parlamentara «lingua e cultura rumantscha» è vegnida fundada il 2013 a chaschun dal giubileum da 75 onns rumantsch sco lingua naziunala. Ella ha actualmain radund 60 commembras e commembers e vegn presidiada da l'anteriur president dal Cussegl naziunal e cusseglier naziunal *Martin Candinas* (Alleanza dal Center/GR).

Cun la finiziun dal presidi da *Martin Candinas* sco president dal Cussegl naziunal va a fin in onn cun ina ferma preschientscha dal rumantsch en la politica federala. Era sche las sessiuns cun las annunzias rumantschas èn istorgia, ha la sairada grischuna rumantscha era quest onn lieu sco usità la mesemna da l'ultima emna da la sessiun d'enviern. L'occurrenza dat la chaschun da dar in sguard sin l'onn 2024 ed è deditgada quest onn a la promoziun dal rumantsch en il rom da la Missiva da cultura 2025–2028. Per il moviment rumantsch èsi essenzial che las contribuziuns finanzialas sajan garantidas era vinavant en la dimensiun almain sco enfin ussa. Plinavant stat la sairada sut l'ensaina dal bun contact cun il parlament en sia nova cumposiziun.

Era l'otgavel inscunter da la gruppa parlamentara «lingua e cultura rumantscha» vegn organisà da la Lia Rumantscha – sut il timun da las co-presidentas *Urezza Famose* e *Gianna Luzio*.

8avla sairada grischuna rumantscha  
mesemna, ils 20 da december 2023  
sunter la fin da la sesida dal parlament (ca. 19.00)  
en la Galerie des Alpes da la Chasa federala  
cun products regiunals da l'Uniun Parcs grischuns